



---

**SURAT PEKELILING KEWANGAN  
BILANGAN 8 TAHUN 2020**

---

**SOALAN LAZIM (FAQ) PEROLEHAN KERAJAAN  
BERIKUTAN PELAKSANAAN PERINTAH KAWALAN  
PERGERAKAN DI BAWAH AKTA PENCEGAHAN DAN  
PENGAWALAN PENYAKIT BERJANGKIT 1988 DAN  
AKTA POLIS 1967 AKIBAT WABAK COVID-19 DI  
UNIVERSITI TEKNIKAL MALAYSIA MELAKA (UTeM).**

**Pejabat Bendahari**  
22 Jun 2020

**Disalinkan kepada:**

Naib Canselor  
Timbalan Naib Canselor (Akademik & Antarabangsa)  
Timbalan Naib Canselor (Penyelidikan & Inovasi)  
Timbalan Naib Canselor (Hal Ehwal Pelajar)  
Penolong Naib Canselor (Jaringan Industri & Masyarakat)  
Penolong Naib Canselor (Pembangunan & Pengurusan Fasiliti)  
Pegawai-Pegawai Kanan

# **UNIVERSITI TEKNIKAL MALAYSIA MELAKA**

UTeM.03.04.01/100-3/3/2 Jld. 10 ( 8 )

22 Jun 2020

## **SURAT PEKELILING KEWANGAN BIL. 8/2020**

### **SOALAN LAZIM (FAQ) PEROLEHAN KERAJAAN BERIKUTAN PELAKSANAAN PERINTAH KAWALAN PERGERAKAN DI BAWAH AKTA PENCEGAHAN DAN PENGAWALAN PENYAKIT BERJANGKIT 1988 DAN AKTA POLIS 1967 AKIBAT WABAK COVID-19, DI UNIVERSITI TEKNIKAL MALAYSIA MELAKA (UTeM).**

#### **1.0 TUJUAN**

Surat Pekeliling Kewangan ini dikeluarkan bagi memaklumkan kepada semua warga Universiti akan Soalan Lazim (FAQ) Perolehan Kerajaan Berikutan Pelaksanaan Perintah Kawalan Pergerakan Di Bawah Akta Pencegahan Dan Pengawalan Penyakit Berjangkit 1988 Dan Akta Polis 1967 Akibat Wabak Covid-19 Di Universiti Teknikal Malaysia Melaka (UTeM)

#### **2.0 LATAR BELAKANG**

- 2.1 Kerajaan pada 12 Mei 2020 telah mewartakan Perintah Kawalan Pergerakan Bersyarat (PKPB) mulai 13 Mei sehingga 9 Jun 2020. Selaras dengan keputusan Kerajaan untuk membuka hampir semua sektor ekonomi, maka agensi Kerajaan hendaklah berfungsi sepenuhnya dengan mematuhi garis panduan atau Prosedur Operasi Standard (SOP) yang telah dikeluarkan oleh Kementerian Kesihatan Malaysia dan Majlis Keselamatan Negara.
- 2.2 Soalan lazim ini disediakan oleh pihak MoF sebagai panduan kepada semua Kementerian/Agensi dan hendaklah dibaca bersekali dengan Pekeliling Perbendaharaan yang sedang berkuat kuasa.

2.3 Seterusnya Soalan Lazim ini telah diluluskan oleh Mesyuarat Lembaga Secara Edaran pada 5 Jun 2020, telah meluluskan soalan lazim ini untuk digunapakai.

### **3.0 SOALAN LAZIM (FAQ) PEROLEHAN BERIKUT PELAKSANAAN PERINTAH KAWALAN PERGERAKAN**

Soalan Lazim untuk rujukan dan panduan bagi perolehan berikutan pelaksanaan perintah kawalan pergerakan adalah seperti di *Lampiran*.

### **4.0 PEMAKAIAN**

Surat Pekeliling Kewangan ini adalah berkuat kuasa mulai 5 Jun 2020 sehingga 31 Disember 2020.

Segala kerjasama yang diberikan oleh YBhg. Datuk/Prof./Dr./Tuan/Puan amatlah dihargai dan didahului dengan ucapan terima kasih.

Sekian, terima kasih.

### **“KOMPETENSI TERAS KEGEMILANGAN”**

Saya yang menurut perintah,



**KHAIRUL BIN TAIB**

Bendahari

Universiti Teknikal Malaysia Melaka

kaat/Surat Pekeliling Kewangan/2020

**SOALAN LAZIM (FAQ) PEROLEHAN KERAJAAN BERIKUTAN PELAKSANAAN PERINTAH KAWALAN PERGERAKAN DI BAWAH AKTA PENCEGAHAN DAN PENGAWALAN PENYAKIT BERJANGKIT 1988 DAN AKTA POLIS 1967 AKIBAT WABAK COVID-19 DI UNIVERSITI TEKNIKAL MALAYSIA MELAKA (UTeM)**

Bil.	Soalan	Jawapan
<b>Kontrak Perolehan Semasa</b>		
1.	Adakah pelaksanaan program/projek yang sedang berjalan perlu diteruskan dalam tempoh PKP?	Boleh. Bagi pelawaan/pelaksanaan perolehan PTj yang terkesan akibat PKP, perolehan tersebut boleh dilaksanakan semula dalam tempoh PKP mengikut Perancangan Perolehan Tahunan (PPT) 2020 yang telah diluluskan.
2.	Adakah pelanjutan kontrak dan pertambahan kuantiti/nilai bagi sesuatu perolehan perlu dibawa kepada Pihak Berkuasa Melulus (PBM) asal selaras dengan AP201.1?	<p>i. PP/PK2.4 yang berkuatkuasa pada 24 April 2020, membenarkan permohonan Lanjut Tempoh Kontrak (LTK) untuk kontrak perolehan bekalan dan perkhidmatan bukan perunding diputuskan oleh:</p> <p style="margin-left: 20px;">a. <b><u>Kontrak bernilai RM500,000.00 dan ke atas</u></b> Naib Canselor.</p> <p style="margin-left: 20px;">b. <b><u>Kontrak bernilai di bawah RM500,000.00</u></b> Naib Canselor.</p> <p>ii. Menurut AP201.1, pertimbangan dan kelulusan LTK bagi kontrak bernilai melebihi RM200,000.00 hanya boleh diberi sekali sahaja. Walau bagaimanapun, pertimbangan LTK lebih dari sekali hanyalah dibenarkan bagi kontrak perolehan bekalan dan perkhidmatan bukan perunding yang terjejas dengan PKP/PKPB sahaja tertakluk tidak melibatkan tambahan kuantiti.</p>

Bil.	Soalan	Jawapan
		<p>iii. Ketetapan ini juga terpakai bagi kontrak perolehan bekalan dan perkhidmatan bukan perunding bernilai melebihi RM20,000.00 sehingga RM200,000.00.</p> <p>iv. Pemakaian peraturan ini juga tertakluk kepada mana-mana kontrak perolehan di bawah Sebut Harga PTj iaitu kuasa Lanjut Tempoh Kontrak (LTK) adalah di bawah Naib Canselor sehingga 31 Disember 2020.</p>
3.	<p>Sekiranya kontrak sedia ada akan tamat pada bulan April, Mei atau Jun 2020, bagaimanakah untuk memastikan bekalan/ perkhidmatan (termasuk perkhidmatan Facilities Management) yang diperlukan selepas tempoh kontrak tersebut tamat, tidak terputus?</p>	<p>i. <b><u>Situasi 1: Sedang dalam proses perolehan baharu bagi menggantikan kontrak semasa</u></b> Jawatankuasa Penilaian (Penilaian Teknikal dan Penilaian Harga) dibenarkan untuk bersidang bagi membuat penilaian program/projek yang telah diperuntukkan dan diluluskan. Walau bagaimanapun, mesyuarat tersebut hendaklah dilaksanakan berdasarkan Prosedur Operasi Standard (SOP) pencegahan penularan wabak Covid-19.</p> <p>ii. <b><u>Situasi 2: Proses perolehan baharu bagi menggantikan kontrak semasa belum bermula</u></b> Universiti dibenarkan untuk memulakan proses perolehan dengan mewujudkan Jawatankuasa Spesifikasi dan sebagainya. Walau bagaimanapun, mesyuarat jawatankuasa dalaman berkaitan perolehan adalah dibenarkan untuk bersidang semula melalui <i>Video Conferencing</i> melalui aplikasi <i>Webex, Team, Skype for Business</i></p>

Bil.	Soalan	Jawapan
		<p>(SfB) atau mana-mana kemudahan/platform <i>Video Conferencing</i> yang disediakan oleh Pusat Perkhidmatan dan Pengetahuan Komunikasi (PPPK).</p> <p>iii. Jawatankuasa Sebut Harga/Lembaga Perolehan juga dibenarkan untuk bersidang bagi memutuskan perolehan ini.</p>
4.	Berikutan pelaksanaan PKP, syarikat menghadapi masalah untuk mengemukakan bon pelaksanaan/insurans bagi melengkapkan SST.	Peraturan semasa PK4.2/perenggan 9.9.2 membenarkan Agensi untuk memberikan pengecualian bertulis untuk syarikat mengemukakan bon pelaksanaan/insurans lewat dari tempoh asal yang ditetapkan sehingga maksimum 60 hari dari tarikh tersebut. Sekiranya tempoh maksimum 60 hari tersebut telah tamat, MOF memberi kebenaran kepada Universiti untuk mengecualikan syarikat mengemukakan bon pelaksanaan/ insurans selewat-lewatnya tambahan 60 hari selepas tempoh PKP berakhir. Kegagalan syarikat mengemukakan bon pelaksanaan/insurans dalam tempoh tersebut menyebabkan pesanan tempatan tidak dikeluarkan kepada syarikat.
<b>Proses Pembayaran</b>		
5.	Apakah status tuntutan bayaran bagi invois yang telah diserahkan kepada agensi sebelum/semasa tempoh PKP?	Walaupun projek/program ditangguhkan pelaksanaannya, namun tuntutan bayaran bagi pembekalan/perkhidmatan/kerja yang telah disempurnakan dan lengkap invoisnya serta dikemukakan kepada agensi sebelum/semasa/

Bil.	Soalan	Jawapan
		selepas tempoh PKP, pembayaran boleh dibuat selaras dengan syarat kontrak.
<b>Proses Pelaksanaan Perolehan Yang Telah Bermula/Baharu</b>		
6.	Bolehkah perolehan <i>hand sanitizer</i> , <i>thermometer</i> dan topeng muka dilaksanakan secara perolehan darurat?	Perolehan tersebut hendaklah dilaksanakan mengikut kaedah perolehan sedia ada yang berkuat kuasa.
7.	Apakah kaedah perolehan yang boleh digunakan sekiranya agensi berpandangan terdapat keperluan untuk melaksanakan perkhidmatan disinfeksi ( <i>disinfection</i> ) di premis Kerajaan bagi mengelakkan penularan COVID-19?	<ul style="list-style-type: none"> <li data-bbox="715 734 1495 996">i. Bagi premis Universiti yang mempunyai kontrak perkhidmatan pengurusan fasiliti (<i>Facility Management - FM</i>), Universiti boleh mengarahkan syarikat terbabit untuk melaksanakan perkhidmatan disinfeksi yang diperlukan.</li> <li data-bbox="715 996 1495 1422">ii. Jika syarikat FM tidak berupaya untuk melaksanakan operasi tersebut, Universiti boleh mengarahkan syarikat yang mengendalikan perkhidmatan pembersihan bangunan/kawasan untuk melaksanakan operasi tersebut. Kemudiannya Universiti perlu menambah perkhidmatan disinfeksi di dalam skop perkhidmatan asal.</li> <li data-bbox="715 1422 1495 1691">iii. Jika syarikat FM dan syarikat pembersihan menolak, Universiti hendaklah mendapatkan perkhidmatan disinfeksi tersebut melalui tatacara perolehan biasa bagi memastikan kos munasabah ditanggung Universiti.</li> <li data-bbox="715 1691 1495 1859">iv. Namun, jika terdapat warga Universiti yang telah disahkan positif COVID-19 atau Universiti menerima arahan daripada mana-mana badan</li> </ul>

Soalan Lazim (FAQ) Perolehan Berikutan Pelaksanaan Perintah Kawalan Pergerakan - 5 Jun 2020

Bil.	Soalan	Jawapan
		<p>bertauliah iaitu Kementerian Kesihatan Malaysia atau Majlis Keselamatan Negara untuk menjalankan kerja-kerja disinfeksi segera, maka perkhidmatan disinfeksi boleh dilaksanakan melalui kaedah perolehan darurat bagi membendung penularan wabak tersebut.</p>
8.	<p>Adakah pembayaran bagi perkhidmatan pembasmian (disinfeksi) boleh dibuat secara berfasa kepada pihak pembekal?</p>	<p>i. Universiti yang mendapatkan perkhidmatan disinfeksi daripada FM atau syarikat pembersihan sedia ada melalui perjanjian tambahan boleh melaksanakan pembayaran berfasa selaras dengan terma dan syarat di bawah perjanjian sedia ada.</p> <p>ii. Jika perkhidmatan disinfeksi dibuat dengan syarikat berasingan di bawah perolehan darurat, maka bayaran secara berfasa atau mengikut kemajuan boleh dibuat tertakluk kepada setiap tuntutan bayaran diperakukan mengikut nilai perkhidmatan setakat mana yang telah disempurnakan.</p> <p>iii. Sebagai contoh, terdapat dua blok iaitu Blok A dan B yang memerlukan perkhidmatan disinfeksi melalui perolehan darurat. Bagi membantu pengurusan pembayaran, Universiti boleh mengeluarkan dua Surat Arahan Memulakan Perkhidmatan (Lampiran N3.1, PKPU) berasingan untuk Blok A dan Blok B sungguhpun kerja-kerja pembersihan disinfeksi dilakukan oleh syarikat yang sama. Setelah kerja di Blok A selesai,</p>

Bil.	Soalan	Jawapan
		<p>pembayaran boleh dibuat dahulu. Jika Universiti telah mengeluarkan satu surat arahan sahaja, bayaran berfasa masih boleh dilakukan dengan syarat Universiti memastikan tidak berlaku lebih bayaran iaitu menjangkau nilai komponen Blok A yang telah disempurnakan.</p>
9.	<p>Bagi Institusi Latihan Awam (ILA) atau premis Kerajaan yang telah diisytiharkan sebagai Stesen Kuarantin, adakah perolehan darurat boleh dibuat untuk item-item seperti ubat, sewaan water dispenser atau pembekalan/ perkhidmatan lain yang diperlukan?</p>	<p>Perolehan tersebut hendaklah dilaksanakan mengikut kaedah perolehan sedia ada yang berkuat kuasa.</p>
10.	<p>Apakah tindakan agensi sekiranya syarikat yang ditawarkan memohon untuk mengubah harga tawaran bagi mengambil kira faktor persekitaran ekonomi semasa atau menolak tawaran yang diberikan?</p>	<ul style="list-style-type: none"> <li>i. Universiti tidak boleh mempertimbangkan sebarang perubahan harga tawaran bagi mengekalkan keadilan kepada petender/penyebut harga lain yang turut menyertai tender/sebut harga tersebut.</li> <li>ii. Berdasarkan persekitaran ekonomi semasa, Universiti juga tidak boleh mengambil tindakan untuk mengenakan sebarang bentuk penalti (sebagai contoh menyenarai hitam) ke atas petender/penyebut harga yang menolak keputusan perolehan yang telah dibuat oleh Pihak Berkuasa Melulus.</li> <li>iii. Oleh yang demikian, Lembaga Perolehan Universiti/Jawatankuasa Sebut Harga Bekalan,</li> </ul>

Bil.	Soalan	Jawapan
		<p>Perkhidmatan dan Kerja Universiti/ Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) semasa bersidang perlu mengambil maklum berkenaan kemungkinan perkara-perkara yang akan berlaku setelah keputusan dibuat dengan turut memutuskan supaya syarikat di kedudukan kedua dipilih sekiranya syarikat di kedudukan pertama menolak tawaran dan demikian seterusnya.</p>
11.	<p>Adakah tempoh sah laku bagi tender dan sebut harga yang ditangguhkan boleh dilanjutkan dalam tempoh PKP?</p>	<p>Tempoh sah laku tender yang masih berkuat kuasa bagi semua had nilai, boleh dilanjutkan sekiranya perlu oleh Universiti setelah mendapat kelulusan Pengerusi Lembaga Perolehan Universiti. Kelulusan pelanjutan tempoh boleh menggunakan apa jua media komunikasi yang pantas seperti e-mel dan lain-lain medium.</p>
12.	<p>Adakah tempoh sah laku untuk tender pra kelayakan turut boleh dilanjutkan memandangkan peraturan telah menetapkan tempoh sah laku adalah tidak boleh melebihi 120 hari?</p>	<p>Boleh dilanjutkan oleh urus setia perolehan menggunakan apa jua media komunikasi yang pantas seperti e-mel dan lain-lain medium. Tempoh atau tarikh akhir sah laku boleh ditentukan oleh Universiti berdasarkan kesesuaian yang munasabah.</p>
<p><b>Proses Perolehan Melibatkan Kehadiran Ramai (Undian, Lawatan Tapak dan lain-lain).</b></p>		

Bil.	Soalan	Jawapan
13.	Adakah proses perolehan seperti pelantikan secara undian, lawatan tapak boleh dilaksanakan dalam tempoh PKP.	<p>Surat Pekeliling Kewangan Bilangan 6 Tahun 2020 telah memberi kebenaran pelaksanaan perolehan bagi perolehan/projek Kerajaan tahun 2020 dilaksanakan dalam tempoh dan selepas tempoh PKPB tertakluk kepada syarat berikut:</p> <ul style="list-style-type: none"> <li>i. PTj hendaklah tidak mewajibkan kehadiran syarikat bagi tujuan taklimat atau lawatan tapak bagi sebut harga/tender;</li> <li>ii. Bagi memastikan maklumat berkaitan spesifikasi/terma rujukan/ brif projek berkenaan adalah jelas, PTj hendaklah menyediakan maklumat terperinci untuk membantu syarikat yang menyertai sebut harga/tender memahami kehendak PTj; dan</li> <li>iii. Selain itu, Universiti boleh memberi satu tempoh yang munasabah bagi syarikat melawat sendiri kawasan atau tapak berkenaan yang dinyatakan dalam dokumen sebut harga/tender berkenaan. Lawatan tapak ini dapat membantu syarikat mendapat maklumat yang lebih tepat dan mengetahui keadaan/maklumat tambahan yang berguna bagi menyediakan tawaran sebut harga/tender. Dalam hal ini, sekiranya syarikat mahu melawat sendiri kawasan atau tapak berkenaan, amalan penjarakan, penggunaan <i>hand sanitizer</i> dan pemakaian <i>face mask</i> adalah perlu diteruskan.</li> </ul>

Bil.	Soalan	Jawapan
<b>Pelaksanaan Perolehan Di Bawah Pakej Rangsangan Ekonomi Prihatin Rakyat</b>		
14.	Bagaimana kaedah pelaksanaan bagi membayar gaji pekerja yang ditanggung kontraktor bagi perkhidmatan pembersihan dan bekalan makanan bermasak di sekolah, IPTA, institusi latihan awam serta agensi Kerajaan termasuk badan berkanun serta pelanjutan kontrak sebulan seperti yang telah diumumkan oleh YAB PM di dalam pembentangan Pakej Rangsangan Ekonomi Prihatin Rakyat (PRIHATIN).	<ul style="list-style-type: none"> <li>i. Kementerian Kewangan Malaysia telah mengedarkan surat no. rujukan: MOF.100-19/1/1 JLD14 (100) bertarikh 31 Mac 2020 bagi menjelaskan mekanisme pelaksanaan Pakej tersebut. Rujukan adalah seperti di Lampiran A.</li> <li>ii. Tuntutan hanya melibatkan gaji minima yang ditetapkan dalam kontrak, termasuk caruman majikan di dalam Kumpulan Wang Simpanan Pekerja dan PERKESO. Syarikat hendaklah mengemukakan dokumen-dokumen tersebut semasa tuntutan dibuat.</li> </ul>
15.	Apakah tindakan agensi bagi mengambil kira pelanjutan kontrak sebulan bagi kontrak bekalan/perkhidmatan yang telah dinyatakan di bawah PRIHATIN?	<ul style="list-style-type: none"> <li>i. Lembaga Perolehan Universiti dan Jawatankuasa Sebut Harga Bekalan, Perkhidmatan dan Kerja Universiti yang bersidang perlu mengambil kira kontrak-kontrak sedia ada (seperti yang dinyatakan di bawah PRIHATIN) yang tempohnya layak dilanjutkan sebulan bagi mengelakkan pertindihan kontrak baharu yang akan diberikan.</li> <li>ii. Tarikh permulaan kontrak baharu hendaklah selepas daripada tarikh lanjutan kontrak sebulan yang berkaitan.</li> </ul>
16.	Kerajaan bersetuju untuk membayar gaji pekerja yang ditanggung oleh kontraktor walaupun pekerja tidak	Manfaat ini terpakai ke atas kontrak perkhidmatan pembersihan dan bekalan bermasak serta turut dipanjangkan kepada semua kontrak perkhidmatan

Soalan Lazim (FAQ) Perolehan Berikutan Pelaksanaan Perintah Kawalan Pergerakan - 5 Jun 2020

Bil.	Soalan	Jawapan
	hadir bekerja sepanjang tempoh Perintah Kawalan Pergerakan (PKP). Adakah manfaat ini terpakai ke atas kontrak perkhidmatan pembersihan dan bekalan bermasak sahaja?	bukan perunding Universiti (tidak termasuk kontrak perunding dan kerja) yang memerlukan kehadiran pekerja sepertimana dalam kontrak perjanjian. Namun, pekerja syarikat yang berkontrak tersebut tidak dapat hadir bertugas semasa tempoh PKP ini.
17.	Berapa lamakah tempoh tanggungan Kerajaan ke atas bayaran gaji pekerja untuk kontrak perkhidmatan tersebut?	Tanggungan bayaran gaji pekerja untuk kontrak perkhidmatan ini adalah bagi sepanjang tempoh PKP dilaksanakan sepertimana yang diumumkan oleh Kerajaan. Walau bagaimanapun, inisiatif ini tidak dilanjutkan dalam tempoh PKPB.
18.	Adakah Kerajaan akan menanggung bayaran penuh kepada kontraktor/ syarikat berdasarkan kontrak perkhidmatan tersebut?	<p>i. Universiti akan menanggung bayaran gaji/upah pekerja dan gaji pengurusan syarikat sahaja, sebagaimana yang telah dipersetujui di dalam kontrak perkhidmatan. Sekiranya bayaran gaji/upah pekerja tidak dinyatakan secara khusus di dalam kontrak, Universiti hendaklah berunding dengan syarikat dan melakukan semakan ke atas tuntutan tersebut.</p> <p>ii. Universiti akan menanggung bayaran gaji dan caruman majikan bagi KWSP serta PERKESO. Kaedah semakan ke atas tuntutan gaji oleh kontraktor/ syarikat adalah melalui semakan ke atas penyata KWSP dan PERKESO sebagai bukti.</p>
19.	Sejak PKP dikuatkuasakan, agensi telah membuat pengurangan	Ya. Universiti akan menanggung bayaran gaji/upah pekerja sebagaimana kontrak perjanjian.

Bil.	Soalan	Jawapan
	bilangan pekerja yang perlu hadir bekerja. Adakah sebahagian pekerja yang tidak hadir tersebut layak menerima bayaran gaji?	
20.	Adakah tanggungan ini termasuk cukai perkhidmatan?	Ya. Universiti akan turut menanggung kos cukai perkhidmatan yang terlibat dalam tempoh ini mengikut kontrak perjanjian berdasarkan keperluan statut.
21.	Kerajaan juga telah bersetuju untuk memanjangkan tempoh kontrak perkhidmatan berkenaan selama sebulan. Adakah pelanjutan tempoh kontrak ini terhad sehingga sebulan sahaja?	Pelanjutan tempoh sebulan yang telah diberikan adalah berdasarkan ketetapan tempoh PKP semasa. Pelanjutan tempoh kontrak hendaklah berdasarkan peraturan yang ditetapkan dalam Surat Pekeliling Kewangan Bilangan 7 Tahun 2020.
22.	Siapakah pihak berkuasa melulus (PBM) bagi pelanjutan kontrak perkhidmatan selama sebulan tersebut?	PBM bagi kelulusan pelanjutan kontrak adalah berdasarkan peraturan yang ditetapkan dalam Surat Pekeliling Kewangan Bilangan 7 Tahun 2020 iaitu Naib Canselor.
23.	Bagaimana pembayaran kepada kontraktor pembersihan pejabat kerana terdapat pekerja pembersihan tidak hadir penuh seperti sebelum pelaksanaan PKP?	Surat MoF rujukan: MOF.100-19/1/1 JLD14 (100) bertarikh 31 Mac 2020 menyatakan bahawa Kerajaan bersetuju untuk supaya gaji pekerja bagi kontrak perkhidmatan yang terjejas sepanjang tempoh PKP dibuat pembayaran. Oleh demikian, agensi boleh membayar gaji minima ke atas kontrak tersebut selaras Perintah Gaji Minimum yang berkuat kuasa.

Bil.	Soalan	Jawapan
<b>Pihak Berkuasa Melulus (PBM) dan Jawatankuasa Perolehan Semasa Tempoh PKP</b>		
24.	Adakah mesyuarat Lembaga Perolehan dan Jawatankuasa Sebutharga (JKSH) boleh bersidang dalam tempoh PKP?	Ya. Sila rujuk Surat Pekeliling Kewangan Bilangan 6 Tahun 2020.
25.	Adakah mesyuarat lain yang perlu diadakan sepanjang proses perolehan boleh bersidang dalam tempoh PKP?	Ya. Sila rujuk Surat Pekeliling Kewangan Bilangan 6 Tahun 2020.
<b>PBM dan Jawatankuasa Perolehan Selepas Tempoh PKP</b>		
26.	Adakah mesyuarat PBM dan Jawatankuasa Perolehan kembali kepada keadaan asal sepenuhnya selepas tempoh PKP?	Ya, dari segi skop bidang kuasa namun pengendalian mesyuarat masih tertakluk kepada prosedur sepertimana semasa tempoh PKPB seperti berikut: <ul style="list-style-type: none"> <li>i. Kekerapan mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) hendaklah diminimumkan.</li> <li>ii. Kertas pertimbangan hendaklah lengkap, ringkas dan padat serta pembentangan dalam mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) hendaklah diringkaskan sebaik mungkin bagi memastikan</li> </ul>

Bil.	Soalan	Jawapan
		<p>mesyuarat dapat diselesaikan dalam tempoh masa yang singkat.</p> <p>iii. Bilangan ahli mesyuarat yang hadir juga perlu diminimumkan dan hanya menetapkan keperluan kehadiran wakil yang mandatori sahaja dan benar-benar perlu bagi membantu dalam memutuskan perolehan.</p> <p>iv. Memaksimumkan penggunaan emel bagi mendapatkan akses kepada kertas pertimbangan sebut harga/tender bagi perolehan bekalan dan perkhidmatan.</p> <p>v. Urus setia yang terlibat dalam menyediakan dokumen dan bertugas semasa mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) hendaklah diminimumkan.</p> <p>vi. Wakil pemohon tidak dibenarkan untuk bersiap sedia di luar bilik mesyuarat secara beramai-ramai. Oleh itu, urus setia hendaklah mengenal pasti hanya seorang sahaja wakil pembentang kertas pertimbangan untuk bersiap sedia jika benar-benar terdapat keperluan. Sekiranya tiada keperluan, wakil pembentang tidak perlu hadir.</p> <p>vii. Urus setia mesyuarat hendaklah memastikan semua pengerusi, ahli, pembentang termasuk urus setia adalah bebas daripada demam, batuk dan</p>

Bil.	Soalan	Jawapan
		<p>selesama sebelum memulakan mesyuarat. Pengimbasan suhu badan juga hendaklah dibuat ke atas semua pegawai yang akan memasuki mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan) dan memastikan ia berada di bawah paras suhu badan yang normal.</p> <p>viii. Urus setia mesyuarat hendaklah memastikan hand sanitizer disediakan di dalam bilik mesyuarat LP, Jawatankuasa Sebut Harga Bekalan, Perkhidmatan dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan).</p> <p>ix. Urus setia mesyuarat hendaklah memastikan kedudukan pengerusi, ahli dan urus setia di dalam mesyuarat diamalkan jarak yang selamat (sekurang-kurangnya diselang satu kerusi). Oleh itu, pemilihan bilik mesyuarat yang sempit dan kecil hendaklah dielakkan.</p> <p>x. Mengamalkan langkah pencegahan sebelum/semasa mesyuarat seperti mengelakkan bersalam, aktiviti perbualan yang terlalu dekat dan pemakaian topeng muka, jika perlu.</p>
27.	Bolehkah mesyuarat Lembaga Perolehan dan Jawatankuasa	Tidak boleh. Mesyuarat Lembaga Perolehan Universiti, Jawatankuasa Sebut Harga Bekalan, Perkhidmatan

Bil.	Soalan	Jawapan
	<p>Penilaian bersidang secara maya melalui Video Conference, iaitu sebagai contoh melalui Skype for Business di bawah infra MAMPU?</p>	<p>dan Kerja Universiti dan Jawatankuasa Sebut Harga Bekalan dan Perkhidmatan PTj (PTj/Khas Untuk Geran Penyelidikan/Zon Kewangan), Jawatankuasa Penilaian Teknikal dan Penilaian Harga tidak boleh bersidang secara maya melalui mana-mana aplikasi <i>Video Conference</i>. Ini adalah kerana pertimbangan/penilaian adalah melibatkan maklumat terperingkat dan hendaklah dibuat dalam persekitaran yang tertutup dan tidak terdedah dengan risiko yang dibuat secara maya. Ketetapan ini juga turut terpakai semasa dalam tempoh PKPB.</p>
28.	<p>Bolehkan tender/sebut harga diiklankan /dipelawa dalam tempoh PKP?</p>	<p>Ya, boleh dilaksanakan dan mematuhi peraturan Surat Pekeliling Kewangan Bilangan 6 Tahun 2020.</p>
29.	<p>Bolehkah kontrak perolehan Bekalan dan Perkhidmatan yang bernilai sehingga RM200,000.00 diberi pelanjutan tempoh kontrak sementara perolehan sebut harga dilaksanakan yang bertujuan untuk mengelakan perbekalan barangan terputus.</p>	<p>Boleh. Walau bagaimanapun ia hanya dibenarkan bagi kontrak perolehan bekalan dan perkhidmatan bukan perunding yang terjejas dengan PKPB sahaja tertakluk tidak melibatkan tambahan kuantiti berdasarkan Surat Pekeliling Kewangan Bilangan 7 Tahun 2020.</p>
30.	<p>Bolehkah kontrak perolehan Bekalan dan Perkhidmatan melebihi RM200,000.00 diberi pelanjutan tempoh kontrak lebih dari sekali?</p>	<p>Boleh. Walau bagaimanapun ia hanya dibenarkan bagi kontrak perolehan bekalan dan perkhidmatan bukan perunding yang terjejas dengan PKPB sahaja tertakluk</p>

Soalan Lazim (FAQ) Perolehan Berikutan Pelaksanaan Perintah Kawalan Pergerakan - 5 Jun 2020

Bil.	Soalan	Jawapan
	Adakah ia juga dibenarkan untuk kontrak bekalan dan perkhidmatan bernilai bawah daripada RM200,000.00?	tidak melibatkan tambahan kuantiti berdasarkan Surat Pekeliling Kewangan Bilangan 7 Tahun 2020.
31.	Bolehkah mesyuarat Penilaian dan mesyuarat Lembaga Perolehan/ Jawatankuasa Sebut Harga dilakukan melalui video conferencing sekiranya PKPB masih berlanjutan?	Mesyuarat Jawatankuasa Penilaian dan Mesyuarat Lembaga Perolehan/ Jawatankuasa Sebut Harga adalah tidak dibenarkan dibuat melalui maya (mana-mana medium Video Conferencing -VC) sama ada dalam tempoh PKPB mahupun pasca PKPB atas asas bahawa dokumen yang akan dibincangkan/ dinilai serta keputusan yang akan dibuat oleh Pihak Berkuasa Melulus adalah merupakan perkara SULIT dan untuk mengelakkan berlakunya penularan maklumat terperinci dan sensitif secara maya kepada pihak-pihak yang tidak berkaitan.
32.	Adakah agensi boleh menggantikan prosedur lawatan tapak dan taklimat sebut harga kepada penerangan skop kerja melalui rakaman video mengikut pelaksanaan berikut: i. Rakaman video dipaparkan di laman sesawang rasmi Agensi Pelaksana untuk diakses oleh semua kontraktor yang berminat sepanjang tempoh sebut harga;	Boleh. Agensi dibenarkan untuk membuat rakaman video bagi menggantikan prosedur lawatan tapak/ taklimat sebut harga/ tender.

Bil.	Soalan	Jawapan
	<p>ii. Agensi Pelaksana akan menugaskan beberapa pegawai untuk menjawab sebarang pertanyaan dari kontraktor sepanjang tempoh sebut harga;</p> <p>iii. Kontraktor juga mempunyai peluang untuk membuat lawatan sendiri ke projek-projek yang berkaitan mengikut kesesuaian masa mereka; dan</p> <p>iv. Kerja-kerja tersebut tidak melibatkan skop kerja teknikal atau struktur kerana kerja-kerja tersebut hanya melibatkan bahagian luar sahaja.</p>	
<b>Lanjutan Masa (EOT) dan Lanjutan Tempoh Kontrak (LTK)</b>		
33.	<p>Merujuk kepada PK2.4, PBM bagi kelulusan EOT/LTK di bawah RM500,000.00 (termasuk kontrak undi, sebut harga dan lain-lain) ialah Ketua Pengarah JPS/JKR. Adakah boleh penurunan kuasa dibuat kepada Negeri. Pengarah JKR/JPS?</p>	<p>MoF membenarkan penurunan kuasa dilaksanakan oleh KP JKR/JPS kepada Naib Canselor bagi memastikan kelulusan EOT/LTK disebabkan PKPB (nilai kontrak di bawah RM500 ribu) berjalan lancar dan segera selaras dengan Surat Pekeliling Kewangan Bilangan 7 Tahun 2020.</p>
	<p>Adakah dibenarkan jika agensi ingin melanjutkan tempoh kontrak kali</p>	<p>Tambahan kuantiti tidak dibenarkan di bawah Surat Pekeliling Kewangan Bilangan 7 Tahun 2020.</p>

Bil.	Soalan	Jawapan
	kedua dan melibatkan pertambahan kuantiti?	Universiti boleh merujuk kepada Arahan Perbendaharan 201.1 dan Surat Pekeliling Kewangan Bilangan 7 Tahun 2020.
34.	Adakah EOT/LTK bagi kontrak kerja dan perkhidmatan perunding boleh diputuskan oleh PBM berdasarkan perenggan 2.1/PK2.4 tanpa mengira nilai kontrak?	Had nilai kontrak dibenarkan adalah RM20,000.00 ke atas tertakluk kepada PBM yang telah ditentukan di dalam Surat Pekeliling Kewangan Bilangan 7 Tahun 2020. tersebut serta kontrak tersebut terjejas akibat PKPB atau perolehan baharu tidak dapat dilaksanakan sebelum tempoh kontrak semasa tamat.
35.	Adakah PBM seperti perenggan 2.1/PK2.4 perlu bersidang atau memadai dengan keputusan secara Individu melalui Minit Bebas bagi memutuskan EOT/LTK?	Tidak perlu bersidang kerana PBM yang ditentukan adalah secara individu.
<b>Kaedah Pelaksanaan Perolehan/Projek Kerajaan Tahun 2020</b>		
36.	Adakah agensi dibenarkan untuk mepakejkan perolehan tahunan kepada beberapa pakej yang lebih kecil dan pelawaan dibuat secara sebut harga atau undian mengikut had nilai yang ditetapkan berdasarkan perenggan 5/PK2.2?	Universiti dibenarkan untuk mepakejkan perolehan tahunan kepada beberapa pakej yang lebih kecil dan pelawaan dibuat secara sebut harga atau undian mengikut had nilai yang ditetapkan khusus <u>untuk perolehan kerja di bawah peruntukan PRE sahaja</u> . Langkah ini adalah untuk menggalakkan penyertaan lebih ramai kontraktor dan menyegerakan penyediaan projek kerja Kerajaan.
37.	Adakah pakej kecil skop kerja bangunan kuarters di lokasi sama yang sama dan mempunyai kod	Universiti dibenarkan untuk mepakejkan perolehan tahunan kepada beberapa pakej yang lebih kecil dan pelawaan dibuat secara sebut harga atau undian mengikut had nilai yang ditetapkan untuk perolehan

Bil.	Soalan	Jawapan
	CIDB yang sama dan waktu yang sama dibenarkan?	kerja di bawah peruntukan PRE sahaja. Langkah ini adalah untuk menggalakkan penyertaan lebih ramai kontraktor dan menyegerakan penyiapan projek kerja Universiti. Pekeliling ini berkuat kuasa ke atas semua perolehan kerja Kerajaan dalam tempoh 16 Mac 2020 sehingga 31 Disember 2020 sahaja. Oleh yang demikian, perolehan ini dibenarkan untuk melaksanakan secara sebut harga untuk kerja-kerja pembaikan seperti yang dinyatakan.
38	Adakah PK2.2 berkaitan perubahan had nilai perolehan boleh digunapakai bagi peruntukan selain PRE, contohnya peruntukan pembangunan atau peruntukan belanja mengurus?	Selaras dengan penetapan di perenggan 4.4/Surat Pekeliling Kewangan Bilangan 6 Tahun 2020 tersebut, kaedah perolehan yang dinyatakan berkaitan perubahan had nilai adalah terpakai bagi pelaksanaan semua projek kerja Universiti pada tahun 2020 yang diiklankan mulai <u>1 Jun 2020</u> dan projek baharu yang disenaraikan dalam PRE2020 dan PRE PRIHATIN.